



ՇՐՋԱԿԱ ՄԻՋԱՎԱՅՐԻ ՆԱԽԱՐԱՐ
ՀՐԱՄԱՆ

«16» «հունիսի» 2023 թ. № 207-Ն

ԿԵՆԴԱՆԱԲԱՆԱԿԱՆ ՀԱՎԱՔԱԾՈՒՆԵՐԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅԱՆ
ՀԱՎԱՔՄԱՆ ԵՎ ԳՐԱՆՑՄԱՆ ԿԱՐԳԸ ՍԱՀՄԱՆԵԼՈՒ ՄԱՍԻՆ

Ղեկավարվելով «Կենդանական աշխարհի մասին» օրենքի 6-րդ հոդվածի 1-ին մասի «ե2» կետով՝

ՀՐԱՄԱՅՈՒՄ

- Սահմանել կենդանաբանական հավաքածուների վերաբերյալ տեղեկատվության հավաքման և գրանցման կարգը՝ համաձայն հավելվածի:
- Սույն հրամանն ուժի մեջ է մտնում պաշտոնական հրապարակմանը հաջորդող օրվանից:

Հ. ՍԻՄԻԴՅԱՆ

6/16/2023

X

ՀԱԿՈԲ ՍԻՄԻԴՅԱՆ

Signed by: SIMIDYAN HAKOB 3004840588

«16» հունիսի 2023թ.

ք. Երևան

Հավելված

Շրջակա միջավայրի նախարարի 2023 թվականի
«Ք» հունիսի N 207-Ն հրամանի

ԿԱՐԳ

ԿԵՆԴԱՆԱԲԱՆԱԿԱՆ ՀԱՎԱՔԱԾՈՒՆԵՐԻ ՎԵՐԱԲԵՐՅԱԼ ՏԵՂԵԿԱՏՎՈՒԹՅԱՆ ՀԱՎԱՔՄԱՆ ԵՎ ԳՐԱՆՑՄԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կարգավորվում են Հայաստանի Հանրապետության տարածքում կենդանաբանական հավաքածուների վերաբերյալ տեղեկատվության հավաքման և գրանցման կարգի հետ կապված հարաբերությունները:

2. Կենդանաբանական հավաքածուների վերաբերյալ տեղեկատվության (այսուհետ՝ տեղեկատվություն) հավաքումը և գրանցումը նպատակ ունի բացահայտել հավաքված, կանոնակարգված, ցուցադրվող և պահպող կենդանիների կենդանի կամ դրանց խրտվիլակների, արգասիքների և պրեպարատների հավաքածուները, դրանց քանակական և որակական փոփոխությունները, ինչպես նաև ապահովել գենետիկական պաշարների վերաբերյալ տեղեկատվության մատչելիությունը:

3. Կենդանաբանական հավաքածուները լինում են կենդանի և անկենդան.

1) Կենդանի հավաքածուներն են՝ անազատ պայմաններում պահպող վայրի կենդանիների հավաքածուները,

2) անկենդան հավաքածուներն են՝ վայրի կենդանիների խրտվիլակները, ողնաշարավորների կմախքները կամ դրանց առանձին մասերը, արգասիքները և պրեպարատները:

4. Կենդանաբանական հավաքածուների վերաբերյալ տվյալների հավաքումը կարևոր նշանակություն ունի դրանց արդյունավետ կառավարման, հանրային կրթության և իրազեկման մակարդակի բարձրացման գործում՝ հասարակության լայն շերտերին հնարավորություն տալով ստանալ հանրամատչելի տեղեկատվություն կենդանաբանական հավաքածուների վերաբերյալ:

5. Կենդանաբանական հավաքածուների վերաբերյալ տվյալների գրանցումը մշտապես իրականացվող գործընթաց է, ինչն ապահովում է տվյալների համալրումը, դասակարգումը, պահպանումը, քանակական և որակական փոփոխությունների օպերատիվ մուտքագրումը:

2.ՏԵՂԵԿԱՏՎՈՒԹՅԱՆ ՀԱՎԱՔՄԱՆ ԵՎ ԳՐԱՆՑՄԱՆ ԸՆԹԱՑԱԿԱՐԳԸ

6. Կենդանաբանական հավաքածուների վերաբերյալ տեղեկատվության հավաքումը և գրանցումն իրականացվում է կենդանաբանական հավաքածուներ ունեցող իրավաբանական կամ ֆիզիկական անձանց կողմից տրամադրած տեղեկատվության հիման վրա՝ համաձայն Ձև 1-ի:

7. Ձև 1-ով սահմանված գրանցամատյանի.
 - 1) 2-րդ տողի 1-ին սյունակում լրացվում է գրանցման տարեթիվը,
 - 2) 2-րդ տողի 2-րդ սյունակում լրացվում է իրավաբանական անձի անվանումը կամ ֆիզիկական անձի անունը, ազգանունը,
 - 3) 2-րդ տողի 3-րդ սյունակում լրացվում է իրավաբանական անձի գտնվելու վայրը կամ ֆիզիկական անձի բնակության վայրը,
 - 4) 2-րդ տողի 4-րդ սյունակում լրացվում է կենդանաբանական հավաքածուներ ունեցող իրավաբանական անձի կամ ֆիզիկական անձի հեռախոսահամարը, Էլեկտրոնային փոստի հասցեն (առկայության դեպքում),
 - 5) 2-րդ տողի 5-րդ սյունակում լրացվում է իրավաբանական անձի պետական գրանցման վկայականի (գրանցման) համարը կամ ֆիզիկական անձի անձնագրային տվյալները, անհատ ձեռնարկատեր հանդիսացող ֆիզիկական անձի դեպքում՝ նաև անհատ ձեռնարկատիրոջ պետական հաշվառման համարը,
 - 6) 6-րդ տողի 1-ին սյունակում լրացվում է կենդանի հավաքածուի ստեղծման տարեթիվը,
 - 7) 6-րդ տողի 2-րդ սյունակում լրացվում է կենդանու տեսակի անվանումը՝ հայերեն և լատիներեն,
 - 8) 6-րդ տողի 3-րդ սյունակում լրացվում է թվաքանակը,
 - 9) 6-րդ տողի 4-րդ սյունակում լրացվում է սեռահասակային խմբերը,

10) 6-րդ տողի 5-րդ սյունակում լրացվում է պահման պայմանները և «
կենդանիների Կարմիր գրքում գրանցվածության կարգավիճակը,

11) 6-րդ տողի 6-րդ սյունակում լրացվում է կենդանի հավաքածուների շարժի
վերաբերյալ տեղեկատվություն՝ առք, վերարտադրություն, նվիրատվություն,
ժառանգություն, հավաք, ներմուծում,

12) 6-րդ տողի 7-րդ սյունակում լրացվում է կենդանի հավաքածուների շարժի
վերաբերյալ տեղեկատվություն՝ վաճառք, նվիրատվություն, անկում, արտահանում,

13) 10-րդ տողի 1-ին սյունակում լրացվում է անկենդան հավաքածուի ստեղծման
տարեթիվը,

14) 10-րդ տողի 2-րդ սյունակում լրացվում է կենդանու տեսակի անվանումը կամ
տեսակային պատկանելությունը՝ հայերեն և լատիներեն,

15) 10-րդ տողի 3-րդ սյունակում լրացվում է թվաքանակը,

16) 10-րդ տողի 4-րդ սյունակում լրացվում է կենդանիների խրտվիլակների և
կմախճների քանակը և տվյալները,

17) 10-րդ տողի 5-րդ սյունակում լրացվում է կենդանիների արգասիքների և
պրեպարատների նմուշների քանակը և տվյալները,

18) 10-րդ տողի 6-րդ սյունակում լրացվում է անկենդան հավաքածուների շարժի
վերաբերյալ տեղեկատվություն՝ առք, նվիրատվություն, ժառանգություն, հավաք,
ներմուծում,

19) 10-րդ տողի 7-րդ սյունակում լրացվում է անկենդան հավաքածուների շարժի
վերաբերյալ տեղեկատվություն՝ վաճառք, նվիրատվություն, արտահանում,
պիտանելիության կորուստ:

ԳՐԱՆՑԱՄԱՏԱՆ

Ձև N 1

ԿԵՆԴԱՆԱԲԱՆԱԿԱՆ ՀԱՎԱՔԱԾՈՒՆԵՐԻ ՎԵՐԱԲԵՐՅԱԼ

1	ԻՐԱՎԱԲԱՆԱԿԱՆ ԿԱՌԱՋԱԿԱՆ ԱՆՁՆ ՏՎՅԱԼՆԵՐԸ					5	
	1	2	3	4			
2	ՏԱՐԵԹԻՎԸ	ԻՐԱՎԱԲԱՆԱԿԱՆ ԱՆՁՆ ԱՆՎԱՆՈՒՄԸ ԿԱՌ ՖԻԶԻԿԱԿԱՆ ԱՆՁՆ ԱՆՈՒՄԸ, ԱԶԳԱՆՈՒՄԸ	ԻՐԱՎԱԲԱՆԱԿԱՆ ԱՆՁՆ ԳՏՆՎԵԼՈՂ ՎԱՅՐԸ ԿԱՌ ՖԻԶԻԿԱԿԱՆ ԱՆՁՆ ԲԱՆԿՈՒԹՅԱՆ ՎԱՅՐԸ	ԿԵՆԴԱՆԱԲԱՆԱԿԱՆ ՀԱՎԱՔԱԾՈՒՆԵՐ ՈՒՆԵՑՈՂ ԻՐԱՎԱԲԱՆԱԿԱՆ ԱՆՁՆ ԿԱՌ ՖԻԶԻԿԱԿԱՆ ԱՆՁՆ ՀԵՇԽԱԽՈՍԱՀՄԱՐԸ, ԲԼԵԿՏՐՈՆԱՅԻՆ ՓՈՍՏԻ ՀԱՅԵՆ(ԱՌԿԱՅՈՒԹՅԱՆ ԴԵՊՈՒՄ)	ԻՐԱՎԱԲԱՆԱԿԱՆ ԱՆՁՆ ՊԵՏԱԿԱՆ ԳՐԱԵՑՄԱՆ ՎԱԿԱՆԱՆ (ԳՐԱԵՑՄԱՆ) ՀԱՄԱՐԸ ԿԱՌ ՖԻԶԻԿԱԿԱՆ ԱՆՁՆ ԱՆՁՆԱԳՐԱՅԻՆ ՏՎՅԱԼՆԵՐԸ, ԱՆՀԱ ՁԵՌՈՆԱՐԿԱՆԵՐ ՀԱՇԴԱՑՈՂ ՖԻԶԻԿԱԿԱՆ ԱՆՁՆ ԴԵՊՈՒՄ ՆԱԵՎ ԱՆՀԱ ՁԵՌՈՆԱՐԿԱՆԻՐՈՅ ՊԵՏԱԿԱՆ ՀԱՅՎԱՐԴՄԱՆ) ՀԱՄԱՐԸ		
3	ԿԵՆԴԱՆԻ ՀԱՎԱՔԱԾՈՒՆԵՐԻ ՎԵՐԱԲԵՐՅԱԼ ՏՎՅԱԼՆԵՐ						
4	ԿԵՆԴԱՆԻ ՀԱՎԱՔԱԾՈՒՆԵՐ					ԿԵՆԴԱՆԻ ՀԱՎԱՔԱԾՈՒՆԵՐԻ ՇԱՐԺԸ	
5	1	2	3	4	5	6	7
6	ԿԵՆԴԱՆԻ ՀԱՎԱՔԱԾՈՒՆ Ի ԱՆԵՂՄԱՆ ՏԱՐԵԹԻՎԸ	ԿԵՆԴԱՆՈՒ ՏԵՍԱԿԻ ԱՆՎԱՆՈՒՄԸ	ԹՎԱՔԱՆԱԿԸ	ՄԵՌԱՀԱՍԱԿԱՅԻՆ ԽՈՒՄԸԸ	ՊԱՀՄԱՆ ՊԱՅՄԱՆՆԵՐԸ ԵՎ ԿԱՐԳԱՎԻճակԸ	ԱՌՔ, ՎԵՐԱԲԵՐՈՒԹՅՈՒՆ, ՆՎԻՐԱՏՎՈՒԹՅՈՒՆ, ԺԱՌԱՎՈՒԹՅՈՒՆ, ՀԱՎԱՔ, ՆԵՐՄՈՒԽՈՒՄ	ՎԱճառք, ՆՎԻՐԱՏՎՈՒԹՅՈՒՆ, ԱՆԿՈՒՄ, ՄՐԱՀԱՆՈՒՄ
7	ԱՆԿԵՆԴԱՆ ՀԱՎԱՔԱԾՈՒՆԵՐԻ ՎԵՐԱԲԵՐՅԱԼ ՏՎՅԱԼՆԵՐ						
8	ԱՆԿԵՆԴԱՆ ՀԱՎԱՔԱԾՈՒՆԵՐ					ԱՆԿԵՆԴԱՆ ՀԱՎԱՔԱԾՈՒՆԵՐԻ ՇԱՐԺԸ	
9	1	2	3	4	5	6	7
10	ԱՆԿԵՆԴԱՆ ՀԱՎԱՔԱԾՈՒՆ Ի ԱՆԵՂՄԱՆ ՏԱՐԵԹԻՎԸ	ԿԵՆԴԱՆՈՒ ՏԵՍԱԿԻ ԱՆՎԱՆՈՒՄԸ	ԹՎԱՔԱՆԱԿԸ	ԿԵՆԴԱՆԻՆԵՐԻ ԽՐՏՎԻԼԱԿՆԵՐԻ ԵՎ ԿՄԱԽԵՐՆԵՐԻ ՔԱՆԱԿԸ ԵՎ ՏՎՅԱԼՆԵՐԸ	ԿԵՆԴԱՆԻՆԵՐԻ ԱՐԳԱԽԱՅԵԼԵՐԻ ԵՎ ՊՐԵՊԱՐԱՏՆԵՐԻ ՆՄՈՒՅՆԵՐԻ ՔԱՆԱԿԸ ԵՎ ՏՎՅԱԼՆԵՐԸ	ԱՌՔ, ՆՎԻՐԱՏՎՈՒԹՅՈՒՆ, ԺԱՌԱՎՈՒԹՅՈՒՆ, ՀԱՎԱՔ, ՆԵՐՄՈՒԽՈՒՄ	ՎԱճառք, ՆՎԻՐԱՏՎՈՒԹՅՈՒՆ, ԱՐՏԱՀԱՆՈՒՄ, ՊԻՏԱՆԵԼԻՈՒԹՅԱՆ ԿՈՐՈՒՄ